

# Tshiamiso TRUST



# ISISHWANKATHELO SENCWADI YESIGQIBO YE-TSHIAMISO TRASTI

Nceda uqaphele ukuba esi sishwankathelo seNcwadi yeSigqibo yeTshiamiso Trasti senzelve ukuze sinnede abafaki-mabango kunye namanye amaqela anomdla ngamagqabantshintshi amafutshane omsebenzi olugunyaziso ngokwasemthethweni weTrasti. Esi sishwankathelo asiyoncwadi ibophelelayo ngokwasemthethweni.



## Imbali

Intlawulo yebango leqela labantu lethayisisi nesifo sephepha kunye neNcwadi yeSigqibo yeTrasti kwavunyelwana ngayo ziinkampani zemigodi ezintandathu kunye namagqwetha amele abasebenzi-mgodi abafuna ukufaka amabango okonakalelwa ngokubhekiselele kwezo nkampani.

Iinkampani ezibandakanyekayo yi-African Rainbow Minerals, i-Anglo American SA, i-AngloGold Ashanti, iGold Fields, iHarmony kunye neSibanye-Stillwater. Amagqwetha abafaki-mabango yiRichard Spoor Inc, i-Abrahim Kiewitz Inc kunye ne-Legal Resources Centre.

Injongo yeTrasti ichazwa “njengokuphumeza iSivumelwano seNtlawulo kunye nokunikizela ngeNzuzo kuBafaki-mabango Abafanelekileyo (nabangabo ekumele baxhamle kwiTrasti) ngezixa-mali kunye nangaphantsi kwemimiselo echazwe kule Ncwadi yeSigqibo yeTrasti (Injongo yeTrasti). Imisebenzi yeTrasti iya kujoliswa, kwaye iNgxowa-mali yeTrasti iya kusetyenziswa ekuphumezeni, iNjongo yeTrasti.”



## Kwabo ifaneleke kubo intlawulo yeTrasti

**Isivumelwano sentlawulo sifanelekile phantse kubo bonke abasebenzi kwimigodi egolide ababesenza umsebenzi onomgqipekho komnye wemigodi yegolide engama-82 engaphantsi kobunikazi bezi nkampani zintandathu.** Umsebenzi onomgqipekho uchazwa kwiNcwadi yeSigqibo yeTrasti njengeBendol 13 lomthetho i-Occupational Diseases in Mines and Works Act (ODMWA), nochaza umntu njengowenza umsebenzi onomgqipekho ukuba ngaba ubehlengana nothuli nolulethle okanye ulunento ekulo enobungozi okanye esenokuba nobungozi, okanye ilgesi, imiphunga, izinto zamachiza, iimo okanye iimeko zokusebenza ezinobungozi okanye ezisenokuba nobungozi.

Eminye yale migodi ingama-83 sele yaba nabanye abanikazi ngokuhamba kwexesha. Isivumelwano siyasebenza kule migodi ifanelekileyo kuphela ngalo maxesha imigodi le eyayinxalenye yeqela leenkampani ezintandathu kwisivumelwano sentlawulo.

Siyasebenza kwabo basebenzi ababesenza umsebenzi onomgqipekho nababesenza kulo migodi kwixesha eliphakathi kombila we-12 Matsi 1965 kunye nomhla we-10 Disemba 2019 (umhla wokuqala ukusebenza), kwanabo bathi banesifo ithayisisi mandulo okanye abafunyaniswe ngoxilongo ukuba banethayisisi ngaphambi kukaDisemba 2031, okanye abaye banesifo sephepha (i-TB) ngelixa besebenza kulo migodi okanye ungekapheli unyaka emva kokuba bemkile apho emgadini.

Nakuba kunjalo, asisebenzi kwabo babeyinxalenye baso nasiphi esinye isivumelwano sethayisisi, kuquka intlawulo yeQhubeka Trasti, kwakunye nakwabo bambalwa abakhethe ukuba bangazibandakanyi kwintlawulo ngelixa lokuzikhuphela ngaphandle ekupheleni kuka-2019.



## Abaphathiswa betrasti

Iinkampani ezithatha inxaxheba zonjula abaphathiswa betrasti abathathu, ababini bonjwala ngamagqwetha abafaki-mabango waze omnye wonjwala ngurhulumente. Ushilalo wokuqala weTrasti wonjulwa ngokuhlengeneyo ziinkampani kunye namagqwetha abafaki-mabango.



## Ikomiti Yokucebisa yeTrasti

ITrasti inomsebenzi olugunyaziso ngokwasemthethweni wokuqinisekisa ukonyulwa kweKomiti Yokucebisa yeTrasti enameli bakarhulumente, beemanyano zabasebenzi, abeenkokheli zoluntu nabe-NGOs kunye nabanye abaphathiswa betrasti abababona njengabanokunika iingcebiso eziluncedo kwiTrasti.

# INKQUBO YAMABANGO

## AMAZIKO OXILONGO LWEZEMPILO

ITrasti inomsebenzi olugunyaziso ngokwasemthethweni lokumiseka amaziko oxilongo lwezempilo okwenzela uxilongo oluthembakeleyo, kuquka ukuxilongwa kwezindumbu ezityandwiweyo apho kufanelekileyo. Abaphathiswa beTrasti baya kuzilungisa baze bagcine irejistri yamaziko ezempilo avunyiweyo, imibutho kunye neengcali.

## IPHANELI YOQINISEKISO LWEZONYANGO

IPaneli yoQinisekiso lwezoNyango eneengcali ezimbini ukuya kwezintathu zezigulo zemiphunga ezinokwazi nemisebenzi kufuneka imiselwe ukuze ihlole ingxelo yezonyango nganye engeniswe ukuxhasa amabango embuyekezo.

## IKOMITI YOQINISEKISO YETRASTI

Kudingeka iKomiti yoQinisekiso yeTrasti enabantu abafanelekileyo ukhulola amaxwebhu anxulumene nabo ngalinye elingeniswe kwigosa lokungeniswa kwamabango kunye navela kwiPaneli yoQinisekiso lwezoNyango ukuze kufunyaniswe ukuba ingaba ibango ngalinye lifanelekile na.



## AMABANGO ABANTU EKUNOKWENZEKA UKUBA BASWELEKA EMVA “KOMHLA WOKUQALISA”

Ukuba ngaba umfaki-bango wayesaphila ngomhla we-10 Disemba 2019 waze wasweleka ngaphambi kokuba akwazi ukungena ibango, umabi-lifa welifa lakhe unokulingenisa ibango.



## Amaqela entlawulo kunye nokutshintshwa kweenzuzo

**Amaqela alishumi adweliswe apha ngezantsi. Izixa-mali ezichaziweyo zezona zixa ziphezulu umfaki-bango anokuzifumana kwiTshiamiso Trasti xa ngaba ezizalisekisa zonke iinqobo.**

Iinqobo ekufanele zifizekise kunye notshintsho okanye iindlela zokutshintsha ekufanele ukuba izisebenzise iTshiamiso Trasti zezo zidingekayo ngokweNcwadi yeSigqibo yeTrasti.

Kwimeko apho umfaki-bango wayesebenze komnye okanye ngaphezulu umgodi ofanelekileyo kwengama-83 kwaye kananjalo wayesebenze komnye imigodi engeyayo ofanelekileyo kwaye eye wanethayisisi okanye i-TB enxulumene nobenze, usenokufaneleka ukuba afumane kuphela umlinganiselo obalwe ngokwexesha (pro-rata) wesixa esiphelileyo sebango. Nakuba kunjalo, nabanina owayesebenze kumgodi ofanelekileyo iminyaka engama-30 ubuncinane ayisayi kutshintshwa ngale ndlela inzuzo yakhe. Oku kuyafana nakulowo oxhomekeke ngokwenkxaso yemali kulo mfaki-bango sele wasweleka.

Kwimeko apho umfaki-bango ofanelekileyo wayenze umsebenzi onomgqipekho kumgodi ofanelekileyo kodwa kungelilo ixesha elifanelekileyo, inzuzo ehlawulwayo kuye iyakwehliswa ngokubalwa ngokwelo xesha (pro-rata).

Umfaki-bango ofanelekileyo unokufumana kuphela iqela elinye lenzuzo, nangona enokuba waye wanazo zombini ithayisisi kunye ne-TB. Oku kukwanjalo nakwimeko apho imeko yomfaki-bango inokuthi iqhubele phambili kwiinqanaba elingaphezulu lesifo emveni kokuba sele ihlawulwe inzuzo. Bakuba behlawulwe, abo bafaki-mabango abasayi kukwazi ukuphinda benze ibango ngokusekelwe kwimeko yabo eye yaba mandundu.

Kwimeko apho inzuzo engaphantsi komthetho i-ODMWA yethayisisi okanye i-TB ithe yonyuswa ngokubhengezwa kwiGazethi kaRhulumente emva kombila we-10 Disemba 2019, aze umfaki-bango ofanelekileyo abe selungelweni lokufumana esi sixa-mali somyusiweyo kuKhomishana wezeMbuyekezo weZifo Ezinxulumene Nomsbenzi (CCOD), inzuzo ehlawulwa yiTshiamiso Trasti iya kwehliswa ngeso sixa ingaphezulu.

Ngaphantsi kweemeko ezithile intlawulo eyinzuzo isenokwehliswa ngesixali esimiselwe yiNkqubo yeRhafu yaseMzantsi Afrika (i-SARS), size eso sixa sihlawulwe e-SARS.

Kwimeko apho kukho umfaki-bango ongumntu oxhomekeke ngokwenkxaso-mali kulowo ungasekhoyo ongaphezulu kunomnye, sisonke isixa-mali esiya kuhlawulwa kwabo bafaki-mabango ngokomyinge asisayi kuba ngaphezulu kunenzuzo yonke ehlawulwayo ngokuxulumene nalo meko yesigulo.



## Ukukhangela abafaki-mabango

**Ngumsebenzi weTrasti ukukhangela abafaki-mabango abafanelekileyo abaninzi kangangoko ikwaziyo kwiminyaka elishumi yokuqala ukusuka ekusekweni kwayo iTrasti.**

### Ukuncedisa kulo nkqubo:

<b>1</b>	Amagqwetha abafaki-mabango kudingeka ukuba angenise kwiTrasti iinkcukacha zabo bonke abo bafaki-mabango asebenza egameni labo kwisimangalo sebango leqela labantu;	<b>3</b>	Nangona nje ingeyomfuneko yeNcwadi yeSigqibo yeTrasti, iinkampani eziseke itrasti nazo zafumana ulwazi olufanelekileyo eTEBA malunga nabasebenzi abaqeshwa zizo;
<b>2</b>	Iinkampani ezithatha inxaxheba kudingeka ukuba zingenise kwiTrasti zonke ireekhodi zengqesho ezikhoyo zabasebenzi ababesenza umsebenzi onomgqipekho kwimigodi ofanelekileyo kumaxesha ofanelekileyo;	<b>4</b>	ITrasti kananjalo isebenzisa ne-Medical Bureau for Occupational Diseases (MBOD) ukufumana ulwazi malunga nabantu abangeniswe amabango embuyekezo kuyo, kwaye kangangoko kunokwenzeka izame ukulumkela ukuphindwa-phindwa komsebenzi ngokubhekiselele kubantu abaselungelweni lokufumana inzuzo kuzo zombini iTrasti kunye ne-MBOD.

## UKUNGENISWA KWAMABANGO

Onke amabango kufanele angeniswe ngabafaki-mabango kwiGosa Lokungeniswa kwaMabango.

Ukuba ngaba iGosa Lokungeniswa kwaMabango alanelisekanga ukuba umfaki-bango ungenise amaxwebhu adingekayo ukuxhasa ibango lakhe, iGosa Lokungeniswa kwaMabango liya kumazisa umfaki-bango ukuba ngawaphi na amaxwebhu angekhoyo kwaye apho kufanelekileyo, limncediswe umfaki-bango ekufumaneni lo maxwebhu.

Amanye amaxwebhu, kuquka ireekhodi zengqesho, kungathatha ixesha ukuwaqinisekisa kakhulu ngenxa yemeko yokugcinwa kweerekhodi okungekho semgangathweni ngakumbi kwiminyaka engaphambili.

Ukuba ngaba iGosa Lokungeniswa kwaMabango lanelisekile ukuba amaxwebhu adingekayo angeniswe ngumfaki-bango, ukuba ngaba ngumombi-mgodi, ingenguyeyo umntu oxhomekeke ngokwenkxaso-mali kumombi-mgodi, umfaki-bango uya kuthunyelwa kwigcisa lezempi lo eliqinisekisiweyo ukuze enziwe uxilongo lwezempilo. **Olu xilongo lwezempilo alusayi kudingeka ukuba ngaba umfaki-bango ukulo naluphi kwezi ndidi zilandelayo:**

<b>1</b>	Ukuba ngaba umfaki-bango sele enayo ingxelo yezonyango, yona kunye namanye amaxwebhu okufaka ibango kufuneka zingeniswe kwiPaneli yoQinisekiso lwezoNyango;
<b>2</b>	Ukuba ngaba umfaki-bango unesetifikethi esamkelekileyo ngokwe-ODMWA esikuthswwe emva komhla we-10 Disemba 2019, kufuneka sigeniswe kwikomiti yoQinisekiso yeTrasti;
<b>3</b>	Ukuba ngaba umfaki-bango unesetifikethi esamkelekileyo ngokwe-ODMWA esikuthswwe ngaphambili kombila we-10 Disemba 2019, umfaki-bango kufuneka akwazi ukukhethe ukuba isetifikethi sigeniswe kwikomiti yoQinisekiso yeTrasti, okanye endaweni yoko umfaki-bango ngokukhethe kwakhe unokuthunyelwa ukuba ayokwenza uxilongo olungaphezulu lwezempilo oluquka uvavanyo lokusebenza kwemiphunga, ukuhlola ukuba ingaba umgangatho wemeko yesigulo somfaki-bango wehlile na ngeli xesha.

Ukuba ngaba kucacile kumaxwebhu angeniweyo ukuba umfaki-bango akangekhe nangaphantsi kwazo naziphina iimeko akwazi ukuqinisekiswa njengomfaki-bango ofanelekileyo, iGosa Lokungeniswa kwaMabango liyakwenza irekhodi yangaphakathi yokungafaneleki lize likhuphe iSaziso Sokungafaneleki esiya kumfaki-bango esichaza izizathu zesigqibo eso.

Umfaki-bango unokucela ukuba siqwalaselwe kwakhona iSaziso Sokungafaneleki zingekapheli iintsuku ezingama-30 emva kokuba sikhutshelwe umfaki-bango.

## UXILONGO LWEZEMPILO

Apho umfaki-bango ethe wenziwa uxilongo lwezempilo, xa ngaba umfaki-bango wayenze umsebenzi onomgqipekho kumgodi omnye okanye ngaphezulu kuleyo ifanelekileyo isithuba esingaphezulu kweminyaka emihlanu, iTrasti yiyo eyakuthwala iindleko zoxilongo lwezempilo. Apho umfaki-bango ethe wenziwa uxilongo lwezempilo kodwa wayenze umsebenzi onomgqipekho iminyaka engaphantsi kwemihlanu kumgodi omnye okanye ngaphezulu kuleyo ifanelekileyo, umfaki-bango nguye ayakuthwala iindleko zoxilongo, kodwa uya kubuyekeza ngezo ndleko ukuba naxa eqinisekisiwe njengomfaki-bango ofanelekileyo kwaye wahlawulwa inzuzo.

Kulandela uxilongo, igcisa eliqinisekisiweyo (ngokuncediswa liGosa Lokungeniswa kwaMabango) liya kungenisa ingxelo yezonyango kunye namaxwebhu okungenisa ibango kwiPaneli yoQinisekiso lwezoNyango. Ingxelo yezonyango inokuquka i-x-reji neminye imifanekiso yokulungela ethathwe ngomathshini, kunye neziphumo zeemvavanyo zokusebenza kwemiphunga.

IPaneli yoQinisekiso lwezoNyango iya kuqwalasela ingxelo yezempilo ize, ukuba yanelisekile, ikhuphe iSetifikethi Sokufunyanisiweyo ngezoNyango. Ngaphandle kokuba iSetifikethi Sokufunyanisiweyo ngezoNyango sigqiba ekubeni umfaki-bango akafanelekanga ngokwezempilo, okanye umombi-mgodi osele wasweleka afaka ibango ngokuxulumene naye lowo oxhomekeke kuye ngokwenkxaso yemali akafanelekanga ngokwezempilo, iPaneli yoQinisekiso lwezoNyango iyakungenisa iSetifikethi Sokufunyanisiweyo ngezoNyango kunye namanye amaxwebhu okungenisa ibango kwikomiti yoQinisekiso yeTrasti.

Xa ngaba iSetifikethi Sokufunyanisiweyo ngezoNyango sibanisa ukuba umfaki-bango (ongenguyeyo umntu oxhomekeke ngokwenkxaso yemali) akafanelekanga ngokwezempilo, unokungenisa elinye ibango elinye (1) – elinye kuphela – kwaye abenelungelo lokufumana esinye iSetifikethi Sokufunyanisiweyo ngezoNyango ngokusekelwe kwenye ingxelo yezonyango. Umfaki-bango nguye oya kuhlawula iindleko zoxilongo kodwa uya kubuyekeza ngezo ndleko ukuba naxa eqinisekisiwe njengomfaki-bango ofanelekileyo kwaye wahlawulwa inzuzo.

## UQINISEKISO

Ngaphandle kokuba iKomiti yoQinisekiso yeTrasti igqiba ekubeni umfaki-bango akanalo ilungelo lokufumana iinzuzo kwaye ikhuphe iSaziso Sokungafaneleki, iKomiti yoQinisekiso yeTrasti iya kungenisa Uqinisekiso lwayo kwi-Arhente emele iinkampani eziseke itrasti ukuqinisekisa ukuba ingaba ulwazi lwenkonzo olunxulumene nomombi-mgodi elibhekiselele kuye ibango elingeniweyo luphelele. Uhlolo olwenziwa yi-Arhente lunokuthatha ukuya kutsho kwiintsuku ezingama-90 ngesicelo ngasinye kwaye luya kuxhomekeka ikakhulu ekufumanekeni ngokulula kweerekhodi ezithile.

## UMLAWULI WEENTLAWULO UQUQUZELELA UKUHLAWULWA KWENZUZO

Zakuba zihloliwe yi-Arhente, eneentsuku ezifikelela kwezingama-90 ukugqiba lo msebenzi, zonke izigqibo eziziqinisekisiwe ngokwamkelekileyo yiKomiti yoQinisekiso yeTrasti zingeniswa kuMlawuli weNtlawulo noyakuthi aqinisekise i-akhawunti yasebhankini yomfaki-bango ophumeleleyo aze enze intlawulo evunyiweyo kulo akhawunti yasebhankini.

Umlawuli weNtlawulo uya kugcina ii-akhawunti ezineenkukacha ezibanzi zeentlawulo zeenzuzo.

## IFOMU YOKUKHUPHA

Umfaki-bango kuya kudingeka ukuba atyikitye ifomu yokukhupha nalapho ayakuthi enze iziqinisekiso ezahlukeneyo ngokuxulumene noxanduva lweTrasti, iinkampani kunye namagqwetha omfaki-bango ngakuye kwixesha elizayo, kunye nelungelo lweTrasti lokuqokelela, ukusebenza kunye nokwenza izibhengezo ezithile ngolwazi lokwaziwa umntu.

## INKQUBO YOKUFUNDISA NGEZIZIMALI

Abaphathiswa beTrasti, apho kufanelekileyo futhi kukwaziyo ukwenzeka, baya kungunqula inkqubo yokufundisa ngezezimali nyakuthi inikeze ngenkxaso kubafaki-mabango abafumane iinzuzo kwiTrasti ukuze banikezwe ulwazi lokubafundisa ngezezimali, kuquka, apho kunokwenzeka khona, ukuya kwiintlanganiselo zokufundisa ngolwazi lwezizimali.

## UKUNGAQHUBELI PHAMBILI

Ukuba ngaba iSetifikethi Sokufunyanisiweyo ngezoNyango sibanisa ukuba umfaki-bango ufanelekile ngokwezempilo, akasayi kukwazi kwixesha elikamva ukungenisa enye ingxelo yezonyango ebonisa imeko yesigulo eyahlukileyo, nokuba ngaba oku kungenxa yokuba umgangatho wemeko yesigulo somfaki-bango wehlile. Oku kukwanjalo nakwimeko apho umntu oxhomekeke ngenkxaso-mali kulowo ungasekhoyo sele engeniswe ingxelo yezonyango enye ebonisa ukuba umsebenzi wasemgadini osele wasweleka ufanelekile ngokwezempilo. Akukho ingxelo yezonyango ingaphezulu ebonisa imeko yesigulo eyahlukileyo ngokuxulumene nomsebenzi wasemgadini osele wasweleka eya kuqwalasela.

Ukuba ngaba iSetifikethi Sokufunyanisiweyo ngezoNyango ngokuxulumene nomntu osele wasweleka angenise ibango egameni lakho lowo oxhomekeke kuye ngokwenkxaso yemali ibonisa ukuba umntu lowo sele wasweleka wayengafanelekanga ukuba afumane inzuzo ngokwezempilo, akukho ngeloni ingenye yezempilo eya kukwazi ukuba iqwalaselwe ngeenjongo zokuqinisekisa.

Nanjengoko sele kuchaziwe apha ngasentla, xa ngaba iSetifikethi Sokufunyanisiweyo ngezoNyango sibanisa ukuba umfaki-bango (nonqumntu oxhomekeke ngenkxaso-mali kumntu ungasekhoyo) akafanelekanga ngokwezempilo, angakwazi ukufaka ibango elingaphezulu elinye (1) – elinye kuphela – kwaye abenelungelo lokufumana esinye iSetifikethi Sokufunyanisiweyo ngezoNyango ngokusekelwe kwingxelo engaphezulu yonyango. Umfaki-bango nguye oya kuhlawula iindleko zoxilongo kodwa uya kubuyekeza ngezo ndleko ukuba naxa eqinisekisiwe njengomfaki-bango ofanelekileyo kwaye wahlawulwa inzuzo.

# UKUPHELI SWA KWETRASTI

## ITrasti iya kuhlala ikhona iminyaka eli-12

## INKQUBO YOKUTHINTELA UBUQHOPHOLOLO

Abaphathiswa beTrasti kudingeka ukuba basungule inkqubo yokuthintela ubuqhophololo eyenzelwe ukuthintela ukusetyenziswa gwenxa kweenzuzo ezinikezwa yiTrasti.

## IPHANELI YEENGCEBISO NGEZONYANGO

Abaphathiswa beTrasti banokonyula ipaneli yezonyango, nenamagcisa ezempilo aqeqeshiweyo amabini ubuncinane nanezakho kunye namava okuhlola ukonakala kwendlela yokuphefumla kunye nezifo zemiphunga ezinxulumene nemisebenzi, ukuze ibacebise kuyo nayiphi na imiba enxulumene nezonyango.

## IGUNYA LOKUHLOLA

Abaphathiswa beTrasti kudingeka ukuba basungule futhi baqinisekise ubukho bomsebenzi wokusombulula iimpikiswano, onoko:

- iGunya lezoNyango Lokuhlola; kunye
- neGunya Lokuhlola Uqinisekiso.

Xa ngaba umfaki-bango engavumelani neSetifikethi Sokufunyanisiweyo ngezoNyango, Uqinisekiso okanye iSaziso Sokungafaneleki asinikweyo, zingekapheli iintsuku ezingamashumi amathathu umfaki-bango unokuhlulisa iimpikiswano yakhe kwiGunya Lokuhlola ukwenzela ukusonjululwa kweimpikiswano leyo.

## IMIGODI EFANELEKILEYO KUNYE NAMAXESHA AFANELEKILEYO NGOKUXULUMENE NEMIGODI EFANELEKILEYO

Iinkcukacha ezipheleleyo ngoku zingafumaneka kwiShedyuli F yeNcwadi yeSigqibo yeTrasti.

## IMISEBENZI YABAPHATHISWA BETRASTI

Abaphathiswa beTrasti banesibophelelo sokuzalisekisa iNjongo yeTrasti, nekukuphumeza iSivumelwano seNtlawulo kunye, ngokusekelwe koku, ukunikeza ngeenzuzo kubafaki-mabango abafanelekileyo. Kufuneka ikwenze oku kwizixa-mali kunye nangokusekelwe kuzo zonke iinkqubo neemfundo ezichazwe kwiNcwadi yeSigqibo yeTrasti ngokukhawuleza kangangoko kunokwenzeka.

Abaphathiswa beTrasti banesibophelelo sokulungula isicwangciso sonyaka sezimali nokusebenza ukuphumeza iNjongo yeTrasti. Esi sicwangciso kufuneka sibe nezi zinto kodwa kungaphelelanga kuzo:

- Ezenzengiso kunye nolwazi;
- Iindlela ekuza kwenziswa ngayo ukukhokheliswa phambili kokukhangela kunye nokwenza koxilongo lwezempilo kwaye abasenokuba ngabafaki-mabango;
- Ukusungula nokunikekisa ubukho bezakhono ezanelo zokwenza uxilongo lwezempilo;
- Ukusungula nokunikekisa ubukho beendawo zokuba amaGosa Okungeniswa kwaMabango akwazi ukwenza imisebenzi yawo;
- Ukusungula nokunikekisa ubukho beenkqubo zolwazi ngezobugcisa, ulwabiwomali kunye neziqhelileyo zolawulo.

## IZIBONELELO, IINKQUBO NABASEBENZI

Abaphathiswa beTrasti kudingeka ukuba basungule futhi bagcine iinkqubo ezidingekayo zisebenza, kuquka iinkqubo zolwazi ngezobugcisa, ukwenza ukuba amaGosa Okungeniswa kwaMabango, iKomiti yoQinisekiso yeTrasti kunye noMlawuli weNtlawulo bakwazi ukwenza imisebenzi yawo ngokwemimiselo yale Ncwadi yeSigqibo yeTrasti.

## II-AKHAWUNTI NEENGXELO

Abaphathiswa beTrasti baya kuqinisekisa ukuba kugcinwa ngokulawulo iNcwadi zezimali kunye neerekhodi ezimalungo nemiba yeTrasti kunye nolawulo lweNgxowa-mali yeTrasti nezobiziso ngokunyanisekileyo nangokuchanekileyo ulawulo lwabo lwemiba nohshino lweTrasti kunye neerekhodi yeentengiselwano nobume bezezimali beTrasti.

## I-AGM

Abaphathiswa beTrasti kufuneka babize iintlanganiselo enye ubuncinane yaBaphathiswa beTrasti kwinyanga ezintandathu zokuphela konyaka-mali ngamnye weTrasti.